

գործիչներից մէկին՝ Խան Թեքինսկին՝ պաշտօն տալով նրան՝ Հայաստանի ներսում մահմետական խռովութիւններ կազմակերպելու*):

Խան Թեքինսկին Երևան հասաւ մարտ ամսի քսաններին: 22-ին նա այցելեց Էջմիածին կաթողիկոսին, և ահա թէ ինչ է հեռագրում իր կառավարութեան. «Նա (կաթողիկոսը) շեշտեց հայերի և մահմետականների բարեկամութեան անհրաժեշտութիւնը և խոստացաւ կոչ ուղղել հայ ժողովըրդին՝ հաշտ ապրել մահմետականների հետ: Կաթողիկոսը ինձ պահեց ճաշի և մինչև վերջին րոպէն չհեռացաւ ինձնից: Նախ չլինելու պատճառով Էջմիածին վանքն ու կաթողիկոսարանը զրկւած են երկտրական լոյսից: Եւ խոստացայ մեքենաների համար նախ տալ, ուստի խնդրում եմ շուտով տակառնելով նախ ուղարկէք կաթողիկոսի համար»: Ու նոյն հեռագրում, ծածկադրով, աւելացնում է. «Ուղարկեցէ՛ք միայն 200 փութ նախ. աւելին կարող է կառավարութիւնը օգտագործել... Մարտ 14-ին Հայաստանը Թիֆլիսից ստացաւ 14 միլիոն ռոն, բայց եթէ դրամական տեսակէտից դժւարութիւններ հանէք, շուտով կրննի ծանր դրութեան մէջ: Հացի բացակայութեան պատճառով Հայաստանը չի կարող ապրել ինքնուրոյն կեանքով: Հնդկի զինւորները ուղևորւեցին դէպի Նախիջևան: Եթէ անհրաժեշտ գտնէք, Կարսի կառավարութեան հետ կապ կը հաստատեմ»:

Ուրեմն, առաջին իսկ քայլից, հարևան «քոյր հանրապետութեան» ներկայացուցիչը «դժւարութիւններ հանելու» մասին է մտածում:

Ապրիլ 10-ին Թեքինսկին մանրամասն տեղեկութիւններ է հեռագրում Բագու հայկական բանակի մասին, իսկ ապր. 16-ին, թէ՛ «Լուրերի համաձայն անգլիացիք Կարսը յանձնել են հայերին. պատրաստուած են յանձնել նաև Շարուր—Նախիջևանը: Խնդրում եմ ստուգել և հարցնել անգլիացիներին. եթէ ճիշտ է, կարծում եմ, անհրաժեշտ է բողոքել Հնդկաստանի, Թուրքեստանի, Աղանիստանի, Մալայիան կղզիների և Կովկասի ողջ մահմետականութեան, նոյնպէս և Հայաստանի վեհաժողովին ընդդէմ անգլիացիների այն ցանկութեան, որով նրանք մի քանի միլիոն մահմետականներին ենթարկում են թուով կէս միլիոն հայերին»:

Ապա, մի շարք հեռագրներով, հաղորդում է Նախիջևանի դրաման նախապատրաստական աշխատանքների մանրամասնութիւնները և ապրիլ 29-ին № 72 հեռագրով շտապ հարցնում է. «Եթէ Նախիջևանը դիմադրութիւն ցոյց տայ հայկական զորքերին, կառավարութիւնը ի՞նչ օգնութիւն կը հասցնէ և զօրքեր կուղարկէ՞, թէկուզ կամաւորների անւան տակ»:

Ապր. 30-ին, հետները մեծ դուժարներով, Երևան են հասնում Ազրբէջանի գործակալներ Նախիջևանսկին և Մակինսկին՝ Նախիջևան գնալու համար: «Զօր. Թոմսընը Երևանում, հեռագրում է մայիս 1-ին Թեքինսկին, արդեւեց Մակինսկին անցնել Նախիջևան՝ այն պատճառաբանութեամբ, թէ այդ չըջանը գտնւում է Հայաստանի կառավարութեան վարչութեան ներքոյ: Մակինսկին դրամները յանձնեց ինձ. սպասում եմ ցուցմունքների, թէ

*) Խան Թեքինսկիի երևան հասնելու առաջին իսկ օրից Հայաստանի արտաքին գործոց նախարարութիւնը ծանօթ էր նրա ծածկագրին. Խան Թեքինսկիի ուղարկած և ստացած բոլոր հեռագրերը, նախ քան իրեն հասնելը, յայտնի էին դառնում Հայաստանի կառավարութեան: 1920թ. մայիսին, Ազրբէջանի խորհրդայնացումից յետոյ, այդ հեռագրերը հրատարակւեցին առանձին գրքոյով — «Գաղանի փաստաթղթեր» (Ազրբէջանի դաւադրական գործունէութեան մի էջ), 1920թ. Երևան, հրատ. «Ռազմիկ»-ի: